



C u n t e g n

I. Determinaziuns generalas **3**

Art. 1	Finamira	3
Art. 2	Denominaziun	3
Art. 3	Decrets legislativs	3
Art. 4	Radunonzas e tschentadas	3
Art. 5	Administraziun	3
Art. 6	Scolaziun	4
Art. 7	Inscripziuns	4
Art. 8	Inoltraziuns	4
Art. 9	Contribuziuns	4

II. Determinaziuns finalas **4**

Art. 10	Execuziun e coordinaziun	4
Art. 11	Entrada en vigur	5

I. Determinaziuns generalas

Art. 1 Finamira

¹ Il romontsch sursilvan ei il lungatg uffical dalla vischanunca.

² Quest uorden regla siu diever. El ha la finamira da garantir il diever dil romontsch sursilvan sco lungatg uffical da vischnaunca els divers secuturs d'administraziun, dalla scola e dalla preschientscha publica e vul cheutras gidar a manterner quel.

Art. 2 Denominaziun

La denominaziun en quest reglament vala per persunas, funcziuns e mistergners dad o-misduas schlatteinas.

Art. 3 Decrets legislativs

¹ Ils decrets legilsativs vegnan redegì en romontsch, en particular:

- a) la constituziun communal,
- b) las leschas, ils uordens e reglament da character general abstract sco era ils decrets e las publicaziuns ufficalas che sedrezzan alla publicitad.

² Sche translaziuns en auters lungatgs existan, vala la versiun romontscha sco ufficala.

Art. 4 Radunonzas e tschentadas

Las radunonzas e tschentadas dils organs communal vegnan menadas e protocolladas en romontsch. Sin damondas e propostas en auters lungatgs nazionals vegn per regla priu posiziun en romonsch.

Art. 5 Administraziun

L'administraziun succeda da principi en romontsch, en particular:

- a) la correspondenza, decisiuns e disposiziuns communalas che sedrezzan a persunas domiciliadas en vischnaunca,
- b) circularas e communicaziuns che sedrezzan all'entira populaziun domiciliada,
- c) per regla era correspondenza ed inoltraziuns allas autoritads cantunalas e federalas ed a lur uffecis,
- d) publicaziuns ufficalas.

Art. 6 Scolaziun

¹ La vischnaunca meina la scoletta e las scolas tenor la legislaziun cantunala per scolettas e scolas romontschas.

² La vischnaunca sustegn activitads che promovon l'integraziun linguistica dils habitonts ella cuminonza.

Art. 7 Inscrizziuns

¹ Inscrizziuns drizzadas alla publicitad e reclamas stablas che pretendan ina lubientscha communal ston esser romontschas.

² Las vischnauncas san lubir excepziunsalmeins translaziuns. Lubidas ein era terminologias internaziunalas che selain buca translatar.

³ Inscrizziuns existentas buca romontschas san restar vinavon. La vischnaunca s'engascha denton per che quellas vegnien adattadas el senn da quest artechel.

Art. 8 Inoltraziuns

Inoltraziuns da personas privatas u giuridicas domiciliadas en vischnaunca han da principi da succeder en romontsch.

Art. 9 Contribuziuns

En connex cun contribuziuns communalas per arranschaments publics animescha la vischnaunca da duvra il romontsch.

II. Determinaziuns finalas

Art. 10 Execuziun e coordinaziun

¹ L'istanza cumpetenta e responsabla per l'execuziun da quest reglament ei la suprastanza communal.

² Quella collavura el rom dalla conferenza dils presidents communal dil cumin cun autras vischnauncas per realisar ils postulats da quei reglament.

³ La conferenza dils presidents communal dil cumin collavura e coordinescha las lavurs tenor al. 2 cun las conferenzas dils presidents communal dils auters cumins dalla Surselva, sco era cun las istanzas cul medem intent dad autras regiuns e cun instituziuns per il manteniment dil lungatg romontsch.

Art. 11 Entrada en vigur

¹ Quest reglament passa en vigur cun sia approvaziun entras la radunonza communal.

² Quest reglament ei vegnius presentaus ed approbaus dalla radunonza communal dils 27 da settember 1996.

Il president communal:

sig. Francestg Degonda

Igl actuar communal:

sig. Bernard Bearth